

Sanhgyangh:

Yungh Lijyouz Caeuq Caz Bang Duetgungz



Ndwen 6 ngoenz 27, Sanhgyangh Duncuz Swciyen youq Liujcouh Si Vujsingh Gaibyaijdin banh aen yizsiz haidoengh hozdung “vunz Liujcouh angqyouz Sanhgyangh、vunz Liujcouh gwn caz Sanhgyangh”, gyoengqvunz Mbanjdung caij din venz、ciengq go Duncuz、langhbaij buhvaq Duncuz、diuqfoux dohyeh、gwnz caz caeuq baijgai mbawcaz, langhbaij Mbanjdung funghcingz lai cungj lai yiengh. Doihengz baenzroix lijyouz youhvei cwngcwz, haenqrengz dazyinx vunz Liujcouh daengz Sanhgyangh lijyouz siuyungh, bang Mbanjdung yungh vunqsik “vwnzlij + cazlij” bae duetgungz.

(Gungh Bujganh/龚普康)

◀ Dahsau daegmbauq Duncuz youq gwnz daizheiq ciengq go Duncuz.

Binhyangz:

Dieggoek Hag Dinfwngz Daemj Man Venjbaiz

Ndwen 6 ngoenz 24, Binhyangz Yen Couhhih Cin Cungsim Hagdangz “Dieggoek Hag Dinfwngz Daemj Man” venjbaiz. Yenveij dungcanbu、minz-cunghgiz daengj bouhmonz lingjdauj camgya aen yizsiz neix, vih “Dieggoek Hag Dinfwngz Daemj Man” venjbaiz. Gvaqlaeng, lauxsae haeujsim songyauq, gyoengq hagseng nyinhrox gij boiqsaek man ceiq ndujdaez de, caemhcaiq guh baenz aen daehhom, caez cauhaenz fuk man ndeu.

(Lanz Sui/蓝蕤)



▲ Gyoengq lingjdauj ndaw yienh caeuq lauxsae ndaw hagdangz caez venjbaiz.

Denzyangz: Angqheij Cai Daengduenz



▲ Vunzyouq ndaw si cai daengduenz yinxdaeuz dangqmaz.

Ndwen 6 ngoenz 25 gyanghaemh, Bak-saek Si Denzyangz Gih Dencouh singzgeq banh aen hoih cai daengduenz, yinx vunz-youq ndaw si caeuq hekyouz camgya, boux-laux bouxnyez cungj haeujsim cai daengduenz, gwnz hoih nauhyied angqyangz, yinxdaeuz dangqmaz.

(Vangz Gozsun/黄国顺)

Gunghcwngz: Laebbaenz Lungzsae Yindung Hezvei

Ndwen 6 ngoenz 24, youq baihnaj bakdou Yauz Gun souhyienz Gunghcwngz Yauzcuz Swciyen Gauhdez Ginghei Yenzgih, Gunghcwngz Lungzsae Yindung Hezvei laebbaenz venjbaiz. Hozdung yienhciengz roq laz roq gyong、lungz foux sae foux, nauhyied dangqmaz, hezvei laebbaenz le hawj fouxlungz fouxsaedangdieg byaij haeuj mboengq moq, Gvangjsih ndaw gih lai aen doihlungzsae daeuj angqhoh, hozdung yinx haujlai hekyouz daeuj yawj nauhyied.

(Cwng Ciminj/郑智敏)



▲ Lungzsae Yindung Hezvei venjbaiz yienhciengz.